



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXXI. Die Decembris.

urn:nbn:de:hbz:466:1-9625

XXXI. DIE DECEMBRIS.

MARCELLVS
SCAGLIONE COAD.

31 Decemb.
Italus Mel
lanz. 1630.
ætat. 81.
Societ. 56.

Mortific.
aff. consang.

Humil.

Sancti.

Vocatio.

Mensa.
Amor Dei.

Mortific.

Angeli.

B. V.

AB hoc, dum de incunda Societate deliberaret, radium splendidum Societatis in eunda dieem in medio duorum obscuriorum visum ferunt in aëre; tunc animum ad Societatem adiecit: in qua dicunt eum ab Angelis & ab ipsa Beatissima Virgine visitatum. Consanguineorum literas (ne lectas quidem) disceperbat aut comburebat. Cum & nobilis esset, & Sacerdotio idoneus, tamen elegit Coadiutoris in munere abiectus esse in Domo Dei. Ad perseverantiam a Deo in Societate obtinendam, quotidie unum e Sanctis presentis diei eligebat, per quem id a Deo postulare. Intra 32. annos non nisi semel petiit exire domo. Per omnem vitam in prandio, & cæna eligebat aliquid melius a quo abstineret, illudque diuino amori offerret. Lachrymarum dono ad eum pollebat, ut illas nec aliis presentibus posset continere. Angelos, adolescentum instar, Beatissimam vero Virginem vidisse fertur in folio excessu, & veste aureis stellis distincta. Elogia Prouinciæ Bætiæ hoc die collocant P. Alphonsum Barzænam. Nos plures secuti, de illo egimus 1. Ianuarij.

P. IOANNES

FRANCISCVS REGIS.

Gallus Labouesci. 31.
Dec. 1540.
ætat 44.
Societ. 25.

Magno animarum studio iam inde a iuuentute ardebat; Dei amore, ac sui odio plenus. In schola

& artes Dei Matrem colendi, & modum eliciendi actum contritionis docebat suos discipulos: id quod cum ageret aliquando, in lachrymas assuenter effusus est. Paupertatis, ac pauperum erat amantissimus: & qui erat filius paupertatis ut Matris; etiam Patris pauperum, ac Sancti nomine vulgo appellabatur. Area pauperum in qua apud Ciuem quendam Ancij frumentum pauperum condebatur, illo id procurante, cum propè iam exhausta esset, eamque videre optaret, plenam inuenit, stupente foemina quæ ipsa frumentum inde in pauperes erogarat. Missionem sanctè cum fructu exantlandarum viua imago erat, Sodalitatis erectis, labore magno per altas niues, per plura pericula & arumnas, montes perreptans, & sudore glorioso, fame, siti gloriosus. Incisa æri Antuerpiæ illius effigies epigrammæ habet in qua ab animarum zelo, ab obedientia, & humilitate laudatur. Cuidam peccata confessio pollicitus est, se pro eo sibi verbera quadragies inflicturum, illi leui poenâ impositâ, cum ita res postuleret. Terribis morbis afflictos amantissimè procurabat: pesti quoque sese offerens ad infectos, quod tamen haud potuit obtinere. In assere ferè cubabat, & veste non positâ: neque nisi tres horas dormiebat; sed in sacris expeditionibus foris sæpè vix duas, ut confitentem audiret, diuini officij pensum persolueret, ac ad populum dicenda meditaretur, parabili quidem apparatu, sed efficacitate omnis artis industriam supergressâ. Cum foris agerèr, neglecto prandio, vesperi tantum reficiebat festum corpus, idque ferè lacte, potis

Oratio. mis &c. non carnibus; Et vino parè ac rarò; pane autem cibario, & mendicato; singulis propè noctibus acri sui verberatione adiectâ. Huic sui afflictationi orationem addebat. In pago S. Boniti missionem celebrabat; ibi cum nocte intempestâ. Parochus erudâ hieme reperit pro templi foribus pernoctantem in oratione Dei. Quare, templi clauibus illi datis, potestatem ei fecit ingrediendi cum vellet. Fecit id P. Franciscus; noctiumque partem maximam sapius istic egit nunc stans, nunc nixus genibus, nunc humi prostratus, dum illum somnus opprimeret. Inde illi efficacitas ad morbos animi, pellendos; & lumè ad arcana quædam introspectiunda, & ex vero prædicanda absentia. Questum rusticum raptos sibi à grassatore milite boues, monuit vt adiret militem, suosque boues reciperet: neminem prohibiturum. Iuit: recepit: nemo prohibuit. Flagitiosæ cuidam, item alteri probæ improbi mariti coniugi de illo, prædixit fore vt mores pessimos cum optimis commutarent: vtrumque ita euenit. Matri cuidam de sano adhuc eius filio prædixit non diu visurum: & anno necdum elapso puer mortem oppetiit. Quædam ab illo monita non respicebat, effrons, &

procax, huic repentinam mortem prædixit; quam illa obiit non ita multo post, quando sclopus in eius caput explosus illam in eo ipso loco peremit cum illa iuuenes erubescendis illecebris ad flagitium inuitaret. Libenter monebatur, imò & carpebatur, ac ridebatur. Ad missionem profecturus, flexis genibus benedictionem à Confessario flagitabat. Ad nutum legum & Superiorum erat totus, adedque cum loqui per legem nostram non licet, ne verbulum quidem ab eo poterat extorqueri. Carnem spiritui obedientem habuisse aiunt citra vllam rebellium motuum perturbationem; nunquam illam expertum: imò id genus sordes familiari suo sermone in aliis extinguebat; perditis fœminis quoque id falsis; quarum plures ad pudicitiam reuocauit, eapropter à proci noctu aliquando ægri alicuius expiandi obrenu foras euocatus vt malè vapularet: sed aiebant postea tam illi quam alij (qui eadem de causa sicam eius gutturi, sclopum capiti admouerant) se arcanâ vi prohibitos ne illum interimerent. Aiunt nonnulli, obscenas cogitationes eius ope extinctas. Si Confessarij copiam haberet, confitebatur (vt Xauerius olim) quotidie.

Humil.

Silentium.

Castitas.

Ad Maiorem Dei Deiparæ S. P. Ignatiij
Xauerij & omnium Sanctorum gloriam.

YYy

Serius